




18362

kat.komp


I

Mag. St. Dr.

P



18362



00

PANEG
Polon
M

Oborski Thomas
Episc. Laodiensis

Kuikliński Stanisł. Virtu-
tes Thomae Oborski.

PANEG. et VITAE

Polon. 4^{to}

№ 621.

V

W. J. P. & Co.

S

P.

Lige D.

174

In Off
E. H.

Glona apperit vna' r'ukho'ru 0540. Hekt

VIRTUTES

THOMÆ

BOBORSKI,

Episcopi Laodicensis,

SUFFRAGANEI

ET

CANONICI

CRACOVENSIS.

Imitationi Fidelium expositæ: beneuolo

humili obsequio,

P. STANISLAI KVKLINSKI,

Societatis IESV.

Ligo & habes anes extruunt de p'ni'p' Anno cent' 1664. ta p'nes nauic'la' p'au'.



174

CRACOVIAE,

In Officina Viduae & Heredum Frañ: Cezary, S. R. M.
& Illustr. ac Reuerendiss. Episc. Crac. Typogr. A.D. 1664.



Jeżeli pisał wroty swoje pisał promienem Piety.
✠

*Facultas & Approbatio Reueren. Patris Præpositi
Prouincialis Societatis IESV per Poloniam.*

Librum, de Virtutibus THOMÆ OBORSKI, Episcopi
Laodicensis, Suffraganei Cracouensis. &c. à P. STANI-
SLAO Kuklinski, Nostræ Societatis Sacerdote, conscriptum,
& à deputatis, ad id, Theologis, lectum, & approbatum, con-
cessâ mihi, ab Admodum Reuerendo Patre Nostro IOANNE
PAVLO Oliua, Societatis Nostræ Vicepræposito Generali, po-
testate, typis mandari, permitto: si ita illis, ad quos pertinet
videbitur.

Cracouia in Domo Probationis 27. Decembr. Anno Dñi. 1663.

MARTINVS OLSZEWSKI, m. p.



*Censura & Approbatio Admodum Reuerendi Domini.
in Diœcesi Cracouien. Librorum Censoris.*

Virtutes Thomæ Oborski Episcopi Laodicensis &c. à Reuerendo Ad-
modum Patre STANISLAO Kuklinski Societatis IESV Theologo
imitationi Fidelium propositas, Ideam rectè dixeris Episcopalis vita, ac
muneris: dignam imitatione, dignam posteritatis memoriâ, dignam pu-
blicâ luce. Luxit hic Dei Sacerdos in Ecclesia, vita ac morum in-
nocentiâ singulari, eximiâ pietate, in adimplendo Suffraganei officio
summâ sollicitudine. Luceat & hoc pio scripto posteritati: clarissimarumq;
virtutum suarum quamplurimos habeat emulatores. Ita voveo,
scriptumq; præfens in lucem edi permitto. Anno 1663. Die 6. Octobr.

HYACINTHVS LIBERIVS S. T. D.

Præpositus SS. Corporis Christi Canonic.

Regulæ Librorum in Diœcesi Cracouien.

CENSOR.

VNIV.



AGELL.

CRACOVIENSIS

18362.T

Liby ad p[ro]p[ri]et[ar]ia statua, Sianti ore bene operas d[omi]n[us] h[ab]et. h[ab]et q[ui] p[ro]p[ri]et[ar]ia est



P E R I L L V S T R I

A C

R E V E R E N D I S S I M O

DOMINO, DOMINO

N I C O L A O

O B O R S K I,

Episcopo Laodicensi, Suffraganeo, Archidiacono, Vicario in Spiritualibus,

Et d[omi]n[us] p[ro]p[ri]et[ar]ia h[ab]et vere et felice v[er]i h[ab]et n[ost]re p[ro]p[ri]et[ar]ia. Aug.

Officiali Generali Cracoviensi, &c.

Domino Patrono, ac Benefactori obseruandissimo.



DEcernere mecum ipse, facile haud possem, Tibi, alijsne potius exhibeam, adumbratum dumtaxat, non viuis expressum coloribus, praclarum columen, ac decus, Gentis Columinarum: ornamentum singulare Pontificij in Cracoviensi Ecclesia Senat[us]: pietatis, etq[ue] omnis virtutis eximium exemplar: virum, in memoria saeculorum, aternitatem emeritum; THOMAM, in-

quam, OBORSKI: multis, magnisq; nominibus omnino
Tuum. Nam ut Tuus est comprimis communione generis, ac
scribitur sanguinis; ita Tuus, mutua communione pietatis, charitatisq;
Tuus; Pontificij nominis & honoris, totq; in Ecclesiâ munerum
pragressu; Tuus demum; exemplo singularium virtutum.
Neq; enim gentilem tantum habere voluisti, quem necessitate
generis Patrum nactus es; neq; solo iure sanguinis, præclara
me Thomæ decora occupas, vacuus laudis heres: auges Tuis ipse
u. d. h. u. p. laudibus præuiam gentilitiæ virtutis laudem: Tuoq; studio, e-
tiamnum superstitem, oculis omnium reddis; quem resingis i-
mitatione. Felicitatis Tuæ est, habuisse, quem sequeris: vir-
tutis; quod sequi velles; secutus eò vsq; ut alijs nouum ipse
exemplum, nouum ducem faceres Teipsum. At non vni tan-
tum Tibi, quam in Patrono miramur, Tu sequeris, sanctitatis
species illuxit: emicuit velut prælustre sydus Ecclesiæ uniuersæ
Thomas: huic verò imprimis; quam Cracouia, longo annorum
interuallo, iam inde à primâ iuuentute, Cathedrali Canonicorū
Collegio adlectus; eò illustriorem fecit; quod Diuorum olim au-
ctam sanctitate, ac honoribus, auxerit & ipse sanctitate suâ.
Quàm latè auctoritatis suæ legibus ius in Prouincias protendit,
Ecclesia Cracouiensis; totam; cum inspectu sæpius infractus la-
boribus lustraret; illustrauit radijs eximia probitatis. Non
viarum magis, quàm virtutum curriculo, Apostolicis itineri-
bus perfunctis, ea ubiq; vestigia impressit: quæ spectantium
oculis lucem sanctitatis aspergerent: ut orbem Diæceseos, non
scribitur alio cursu peragraret; quàm quo Sol uniuersum. Formam gre-
scribitur gis, Apostoli præcepto, se præstitit ubiq;: quam neq; assequi
imitando posset; nisi eximius & ipse, ad eam magnitudinem
virtutis, studium, curasq; extenderet; quæ summa est. Hæret
adhuc

omnino
neris, ac
ritatisq̄:
unerum
rtutum.
cessitate
raclara
Tuis ipse
udio, e-
fingis i-
is: vir-
um ipse
ni tan-
titatis
niuersæ
inorum
onicorū
lim au-
ate suā.
tendit,
Eus la-
Non
tineri-
antium
os, non
m gre-
assequi
dinem
Hæret
adhuc

adhuc multorum animis, veneranda effigies animi: vultui
modestissimo impressa: atq̄ ipso obtutu spectabilis honor san-
ctitatis: & indelebilem memoriam tuetur sui: & piâ neces-
sitate iustissimam prolicit venerationem. Adeo emori non
potest virtus, quæ pari passu gloriam diuinam propagatum i-
ret; & contenderet ad felicem immortalitatem. Securum,
deinceps etiam, in memoriâ hominum perennis vitæ fece-
rint, primum ij, qui paribus lineamentis eius in se transfe-
rant sanctitatem: longèq̄ in posteror diffusâ virtutis imita-
tione, toties Orbi Thomam exhibeant, quoties suis ipse exem-
plis animabit heredes pietatis. Meo si quid studio profectum
ad memoriam tot laudum fuerit; id verò umbrae instar, ex *Extenu*
opere literario, velut denso & opaco corpore, ad lucem ac- *ako*
cedet. Neq̄ ideo, videri nihil egisse possum: quod & um-
bræ sua sit gratia aspectanti: apud Te equidem futura est;
qui nec velis, nec possis non amare; quod & sanctitati à me,
& sanguini sit impensum. Vbiq̄ sanè Tuo; quod Tuo, diu
longè illustrissimo sanguini, ea sanctitas innexa sit; cui hanc
tenuem opellam, debitum tot, tantisq̄ titulis tributum, ex-
pensam voluimus.

Perillustri ac Reuerendissimæ Dominationis Vestrae.

Seruus humillimus

STANISLAVS KVKLINSKI
SOCIET. JESV.

Præfatio.

Narrationem Virtutum Thomæ Oborski texere institui: de uexâ iam ætate: maioreq; animo quàm uiribus. Verùm ut cætera desint; certè nec diligentia defuit in inquirendis: nec fides deerit in scribendis: quæ ex familiaribus Thomæ Presbyteris, qui ei plures Annos conuixere, tum alijs fide apprimè dignis, cognoscere licuit, Causa suscepta operæ, præcipua; Maior gloria DEI: laudabilis in Sanctis suis: tum communis Ecclesie utilitas. Enimuerò Thomas, quoad in terris egit, perpetuo uita integerrima tenore, crebrisq; interim heroicarum uirtutum actibus, tot ac tam præclara solida sanctitatis specimina edidit: ut uita eius, idea quadam Diuinitus proposita uideatur; ad quam huius sæculi homines, & in primis Clerus secularis emulâ Sanctimonie imitatione sese componerent. Accessere haud leuia incitamenta: Eximius Thomæ, sibiq; constans semper, erga Societatem animus: tum erga Domum Professam Cracouiensem, (cui interim indignus præsum;) beneficentia singularis. Nam commune natale solum; & si quis est nexus sanguinis; abiuncto mihi ab sæculo, in minimis sunt. Sed & illa subijt animum cogitatio; quantumuis in Societate, uti scriptores, ita scribenda, DEI munere, non desint; condecere tamen, ad alteriusq; quoq; Ordinis, & quidem in Ecclesiâ primarij decora, tinctum in charitate extendere calamus: ne nobis solum *HB Exa* ipsis placere, nostraq; celebrare uideamur. Porro uita *facile* serui DEI, non per spatia ducam temporum: nec numero, ac uarietate distinguam functionum: longum id, & operosum magis, quàm utile foret: sed certo ordine, digestam seriem, contextam

O
1625.
ebriū
nque
Con-
ruan-
ndo;
omæ
raga-
n me
tis ar-
igio-
s ipsi
aut
obata
non
mana

Præ-

Præfatio.

contexam virtutum: primum quidem earum, quæ animum ad DEVM; Deoq̄ proxima; tum quæ in semetipso; demum ad proximum; rite componunt. Quamquam: virtutum is genius est; adeoq̄ sui inuicem (vt ita dicam) amantes, ac veluti mutuo complexu innexæ sunt; vt vix aliqua narrandam sese offerat; quin alterius poscat mentionem.

Particularibus memorandis maxime insisto; quia hæc imitationi opportuna magis. Primum ac potissimum immoror imitandis: admiranda; vti verâ æstimatione sunt; ita loco, postrema erunt.



rit no
gnes.
Colu
ne C
tradu
eque
tifica
fia C
rius i
humi
Pu
tatis
atoris
cus C
de, cr
tus qu
pus L

CAPVT. I.

*Patria, genus, electio, status, ex more
præmittuntur.*



Atale solum Thomæ, ea pars Regni Poloniae fuit, quæ Ducatus Masouiae appellatur: Pro-
uincia egregiè Catholica, & Hæreticis semper
infesta; vt hoc, inter beneficia Thomæ Diui-
nitus concessa, meritò numerandum sit, quòd
in Catholicissima gente ex Parentibus Catho-
licis-nato, à prima mox vsura lucis non licue-
rit non esse Catholicum. Parentes claritudine generis præsi-
gnes. Pater Procopius de Obory, ex prælustri & perantiqua
Columnarum familia, quæ ex Italia in Poloniam cum Hanno-
ne Columna, Archiepiscopo Gnesnense, sub Miecislao Principe
traducta, velut generosa stirps in aliud translata solum, non
equestris solum; verum etiam Senatorij ordinis togâ, sago, Pon-
tificialibus tiaris insignes protulit viros. Mater Catharina Ło-
sia Castellani Visogrodensis filia. Nec verò huic decori diu-
rius immorandum, quod cum cæteroqui mundus faciat magni,
humilis seruus Dei pro minimo duxit.

Puer sortitus animam bonam, vbi inter bonas artes in pie-
tatis & literarum gymnasijs adoleuit, quò arctius se cultui Cre-
atoris sui adstringeret, sacris initiari voluit. Ac primò Canoni-
cus Cracouiensis ad Principem Basilicam Cathedralem; deinde,
crescente de eo virtutis cæteræq; dignitatis opinione, inui-
tus quidem, multumq; vt suo narrabo loco, reluctans, Episco-
pus Laodicensis, ac Suffraganeus Cracouiensis creatus est.

2

C A P V T II.

Deuotio in Deum.

*Religio
quæ*
Meritò sanè insignia virtutum viri Dei in medium pro-
ducturi, ab eâ potissimum seriem narrationis ordimur,
quæ (*vt ait Ambrosius*) ordine prima est, & fundamen-
tum cæterarum. Tametsi autem deuotio strictè sumpta; illa
dumtaxat nobilissima omnium moralium virtutum Religionis
pars sit, quæ à Theologis definitur; parata, promptaq; volun-
tas exequendi ea omnia, quæ ad cultum D E I pertinent; nihilo-
minus, hîc eam, ex communi iam acceptione, latius sumimus:
prout alia etiam virtutis Religionis officia complectitur. Eius
verò, per totam vitam luculenta Thomam specimina edidisse, ex
fide; qui nouerunt, memorant.

Meditationi, quæ est causa interna, ac fomentum veræ deuo-
tionis, quotidie, seu domi esset, seu in itinere, horam integram
impendebat; proiectis vt plurimum in terram nudam genibus;
ac citra vllius fulcri adminiculum. Quo verò materia paratio-
re, methodoq; ordinatiore in meditando vteretur, habebat
semper, seu domi, seu peregre esset, ad manum; Ludouicum de
Ponte. Cuius diuinarum commentationum liber, tam ipsi fa-
miliaris erat, vt quoties, certâ; pro ratione præscripti temporis
Ecclesiasticarum precum parte absolutâ, diceret; Da mihi li-
brum; pueri gnari consuetudinis eius, haud alium porrigerent;
quàm Ludouicum de Ponte. Exercitijs spiritualibus S. Ignatij,
quotannis, in Domo Professæ Societatis I E S V duas circiter heb-
domadas, singulari diligentia animum excolebat.

Vti meditationi, atq; examini conscientia, quod bis in diem
faciebat, ita horis canonicis recitandis, quoties opportunitas
loci aderat, in secreto, clausoq; cubiculo vacabat: ac si quis
cum Deo ita agenti importuniùs interuenisset, acriùs sanè com-
mouebatur: indignum ratus; Deum deserere, vt homo homi-
nem alloquatur. Quo in genere, quid sibi adolescenti accidisset,
solum

3

solam tunc Minoribus Ordinibus initiato, ac nec dum exactiori modestiæ Clerum addecenti, assueto; narrauit mihi Adamus Zelichenski, iam tunc Canonicus Culmensis, ac Generalis Officialis Pomesaniensis. Missus eram (inquit) à quodam Prælato, ad Reuerendissimum Suffraganeum. Occluso tunc ipse pro more ostio, horis canonicis dicendis intentus erat. Admitti importunius postulau: pulsaui fores liberaliùs: tum ille aperto ostio, ac vultu in seueritatem verso: quidnam hoc? quid agitur? nunquid Gracouia ardet? minimè, inquam: curnam igitur me utiq; cum DEO agentem, tam importunè interpellas? Pudefactus adolescens, ad breue tempus ruborem passus, ad longum retulit, haud vulgare dignè Deo cum Deo agendi exemplum.

Nullò non die, Sacrificium incruentum offerebat, etiam cum aduersa valetudine conflictaretur: præterquam; si vi morbi oppressus, præ debilitate pedibus consistere non posset: tunc verò; ne communi fidelibus sacrificij fructu careret; impetratâ ab Episcopo licentiâ, domi suæ audiebat Missam. In itinere sicubi eopia Ecclesiæ non esset; diuertebat sacri habendi causâ ad Ecclesias etiam longè distantes. Cùm domi ageret; ordinariè factum faciebat in Ecclesia Cathedrali ad effigiem sculptam Saluatoris Crucifixi: alloquio Beatæ Hedwigis, alijsq; miraculis celebrem. Sacrificabat porro vultu ad deuotionem mirè composito, atque (vt testatur eius à sacris Minister) nunquam sine lachrymis. Præcedebat sacrum, accurata semper præparatio, nec minùs deuota sequebatur actio gratiarum: quo tempore, neminem volentium alloqui, admittebat: dicens, sibi modò cum Deo solo agendum esse. seu ministraret, seu perciperet sacramenta, singulari id pietatis sensu, diligentia, reuerentiâq; faciebat. Quo studio puritatis, ac teneritudine conscientiæ fuit, leuissimas etiam noxas, seu potiùs noxarum umbras, minimè patientis; confitebatur quotidie: & nonnunquam pluries in diem. Accedebat porro ad Sacerdotem palam; spectante populo, & tanquam vnus ex populo, gratâ cuiusdam

4
simplicitatis, demissionisq; ad populum commendatione: ac
spectantium ædificatione. Sacerdoti comiter roganti, vt quoties
confiteri deberet, euocari se potius faceret ad Sacrarium, quàm
confertæ misceretur multitudini; respondebat quod Christus
Ioanni: *Sine modò: sic enim decet nos implere omnem iustitiam.*
Non deerant, qui tam frequentem exomologesim minùs pro-
barent; verùm ita sentientes, & celebrium sanctitate homi-
num exempla, & ratio obuia confutat. Nimirum, si citra iu-
stam reprehensionem manus in diem sæpiùs abluimus, cur non
maculas animæ? præsertim quòd ob corruptionem naturæ,
mentisq; humanæ mobilitatem, citiùs ferè animæ maculas,
quàm corporis contrahimus: attestante eloquio Diuino: *Iustus
septies cadit &c.* Erga Christum, in horto pridie passionis
orantem, peculiari ac pertenero pietatis ferebatur affectu. Ad
eius imaginem, venerabundum procumbere eam, quoties eundo
redeundo inambulabat, in quolibet accessu pijs osculis preme-
re; v'sitatissimum Thomæ fuit. Atque inde, cernere erat ima-
ginem; ex multo oris attractu, contracto squalore horridulam,
at multæ pietatis vestigijs gratiosam.

C A P V T III.

Conformitas cum Diuina voluntate.

Celsiorem assequi dignitatem, sortem nancisci beatiorum
potest nemo, quàm vt fiat amicus Dei. altiùs, quo San-
cta ambitio connitatur, non habet. Porro amicitiam
humanam in consensione voluntatum, sitam esse, verissimè cen-
suit Sapiens Ethnicus. Eadem, inquit, velle, & eadem nolle,
ea demum firma amicitia est. Nec verò alia est ratio amici-
tiæ Diuinæ: Ex omnium Sapientum Christianorum sensu, con-
sistit & illa, in humanæ voluntatis cum Diuina consensu: quem
vulgò Conformitatem appellamus, virtutem tam intimam ami-
citiæ Dei, vt quicunq; eà polleat, nefas sit dubitare, esse ami-
cum

cum
Tho
quid
reliq
aliqu
cede
quí i
nunc
absit
Atqu
fiunt

N
lens
ingre
amic
mi d
nunc
mnia
non
minu
luta
gnam
secun
æquo
benef
das in

V
quòd

tionem: ac
vt quoties
um, quàm
Christus
iustitiam
inus pro
re homi-
citra iu-
cur non-
naturæ,
maculas,
o: *Iustus*
passionis
tu. Ad
es eundo
preme-
erat ima-
idulam,

cum Dei. Huius igitur tam beatæ sortis, haud exsortem fuisse Thomam, dicta pariter & facta ipsius, abundè docuere. quæ quidem quis omnia recenset? vnum & alterum sint specimen reliquorum. Homo ab omni iactantiâ alienissimus, auditus est aliquando dixisse: sibi nihil non ex animi sententia, votoq; cedere: planeq; nihil vnquam euenire nolenti. Mirantibus; quî id tantâ rerum humanarum inconstantiâ, euentorumq; nunc lætorum, nunc tristium varietate fieri posset? respondit: absit equidem, vt ego quidquam velim, nisi quod vult Deus. Atqui, si demas peccatum, omnia seu aduersa, seu prospera fiunt volente Deo; igitur & me volente.

Numeroſum pecorum gregem abſumpſerat Thomæ peſtilens lues. Fronte ille exporrectâ; ſolitoq; amariore vultu, ingreſſus ad Collegam; (is erat Erasmus Kretkowi in paucis amicus Thomæ) amplexatusque eum, Obſecro, inquit, Frater mi dulciſſime, age gratias Deo pro ſingulari beneficio mihi nunc paſſito. Quærenti quodnam illud eſſet? reſpondit: omnia mihi pecora peſtis ſuſtulit. Fecit me Dominus Jobum: non aliud ergo dicam, quàm quod ille: Dominus dedit: Dominus abſtulit: Sit nomen Domini benedictum. Tam abſoluta numeris omnibus cum Dei voluntate conſenſio, in magnam rapuit admirationem Collegam: reputantem videlicet ſecum; parum fuiſſe Thomæ tantam rerum ſuarum iacturam æquo animo tuliſſe; niſi etiam tuliſſet læto; niſi iacturam in beneficio ponens, gratias egiſſet Deo; niſi alios quoq; ad agendas inuitaſſet.

C A P V T IV.

Fiducia in Deum.

Viuax fides de Providentiâ Dei, quòd quæ condidit, gubernet; & quidem non minorem impendens curam ſingulis, quàm vniuerſis; aut minimis, quàm maximis; quòd pro omnipotentia ſua, nihil non poſſit, & quæ ſapientia eſt,

6
tiã est, melius nouit, quid nobis conducat : & quã bonitate, beneuolentiqr, fauentior, ac melior sit nobis, quã nos nobis; Hęc inquam, veritatibus fidei constabilita persuasio, pariebat in Thoma illam insignem fiduciam, quã velut carissimus filius, in sinu optimi & potentissimi Patris positus, securus agebat, omnem sollicitudinem proijciens in eum, cui nec facultas prouidendi sibi de omnibus bonis, nec voluntas deesset.

In tantã assiduitate, contentioneq; laborum, quos in conferendis Confirmationis, & Ordinis, Sacramentis; ac præsertim consecrandis Ecclesijs, altaribus, campanis, haud modicos esse constat; contingebat identidem, vt lassum corpus viribus destitueretur, ac febriles pateretur alterationes. neq; tamen idcirco à cæpto opere desistebat. Cumq; comites commiseratione ducti hortarentur, vt non nihil interim quietis caperet, haud satis æquo animo videbatur excipere miserentium voces. tum fiduciã in Deum erectus dicebat: equidem suppeditabit mihi adhuc Deus vires. nec fiducia irritò euentu stetit. Breui enim ægrescenti corpori, valetudo vigorq; redibat. Cùm ea res comitibus admirationem ciceret, leniter increpitans eos, modicæ fidei arguebat.

Peragrando Diæcesim, ingressus erat Thomas regionem asperis montibus, ac resquis horrentem. Rogationum dies tum proximè imminebant. Hic metuere comites, ne non suppeteret illis conueniens pro ratione temporis cibus, attentã locorum conditione piscinis carentium, esum piscium desperauerant: palamq; quod in simili Apostoli ducebant: Quid hęc manducabimus? Respondebat Thomas verbis Domini: *Quando misi vos sine sacco, & perã, nunquid aliquid defuit vobis?* Hisce tum, & alijs erigebat suorum animos. Ac sanè, quod discipuli Domino responderant, nihil sibi defuisse; hoc idem ipsi experti sunt: tantã eo loci nobilissimorum piscium affluente copiã; quantam nusquam alijs meminissent.

CA-

P
bilium
Regu
rum
secula
offici
& pie
rã se
egreg
pralu
tionis
tionis
reper
bat:
farum
ex ho
su pro
nibus
ac ve
B. V.
nã su
Dio
puã tr
cum
tuq; I
Lo
Matri
grinar

CAPUT V.

Deuotio erga Virginem Dei Matrem.

Post Deum, erga Deiparam, eximie affectus fuit: cuius vel sola mentio pias lacrymas illi ciebat. Florebat tunc, ad sacram Diuæ Barbaræ ædem, Assumptræ Deiparæ, Nobilium dicta, Congregatio: Sigismundi III. & Vladislai IV. Regum, Bernardi Macieowski S. R. E. Cardinalis, Nunciorum S. Sedis Apostolicæ; plurimorum tam Ecclesiastici, quam secularis status Regni Senatorum, aliorumq; dignitatibus & officijs eminentium personarum, nominibus in eadem datis, & pietate incluta. Eidem Thomas, quò stabiliùs cultui Deiparæ sese manciparet; datò nomine; mirum, quantum sodalibus egregiæ pietatis erga Deiparam, cæteraq; Sanctitatis exemplis præluxerit. Quare eum præoptabant, & quoad per occupationes id oneris ei subire liceret, præligebant suæ Congregationis præsidem. Quater creatum, in Albo Congregationis reperio. Rosarium B. Virginis, quasi assiduè manibus tractabat: seu domi seu in Ecclesia; ijs etiam cantatarum à se Misarum interstitijs, quæ musici concentus sibi vendicant. Atq; ex hoc perfrequenti, perq; pio precatoriorum globulorum usu profectum est, quod à pictoribus vulgò specie orantis manibusq; ad pectus compositis, corollam Beatæ Virginis tenens, ac veluti versans, pingatur. Horariæ laudes, vulgò Officium B. V. nuncupatæ, quotidianum erant tributum, quod Dominæ suæ exactè pendebat.

Dies ex Ecclesiæ præscripto Deiparæ cultui dicatos, præcipuâ traducebat veneratione: nullum sanè prætermittebat, quin cum alijs pijsimis obsequijs, tum cantatâ solenni ritu habitutq; Pontificio Misâ; redderet celebriorem.

Loca, beneficijs potentissimæ apud omnipotentem filium Matris suffragatione obtentis celebria, non solùm ipse peregrinationibus, donarijs, cæteroq; cultu prosequatur, verùm etiam

etiam in alijs eundem excitare, propagareq; satagebat. Myll-
nicijs extat imago B. V. Sudore supra vim naturæ profuso, impen-
dentium regno malorum prænuccio, vt credebatur, indice, ce-
lebris. Gliscente prodigij famâ, occasionem Thomas promo-
uendi cultus B. V. auidè arripuit, locum adiit, rem serio exa-
mini subiecit, miraculum probauit, Sacrificium incruentum
ad imaginem palàm obtulit: clam donarium liberale ^{Kamm}pluteo
^{pal}Virginis subiecit. Quod cum nihilominus curiosior quidam
actorum eius obseruator Presbyter Religiosus aduertisset,
admonendum Curionem putauit: veritus; ne oblatio ar-
gantea Sacrilegi ausus cuiquam præberet ansam.

C A P V T VI.

Deuotio in Cælites,

SANCTOS, eorumq; Reliquias impensè venerabatur. & vt
frequens ei erat in consecratione altarium earum vsus, pe-
culiari cautelâ, reuerentiaq; tractabat. Præcipua illi in
æstimatione, amoribusq; fuit, Crux sacris reliquijs grauida, o-
lim insigne Pontificiæ dignitatis, S. Caroli Borromæi. à quo
donata Stanislaò Hosio S. R. E. nominatissimo doctrinâ &
pietate Cardinali, ad Martinum primò Cromerum, in Epi-
scopatu Varmiensi Hosij Successorem; tum ab hoc ad Paulum
Dąbski, Suffraganeum Cracouiensem; demum ad proximum
Pauli Successorem, Thomam Oborski, peruenerat. Eam hoc
tempore, tertius à Thoma in Suffraganei munere Successor,
eiusdemq; nepos, ac virtutum æmulus, Nicolaus Oborski; cum
ob ipsorum sacrorum pignorum, tum tantorum virorum, qui-
bus in vsu fuit, Sanctitudinem ac venerationem, in thesauro
Ecclesiæ Cathedralis asseruari voluit; non nisi pro solemniori-
bus actibus ad vsum Suffraganeorum promendam.

Quotidie manè, adibat Ecclesiam Cathedralè, eaque pro-
pter studio elegerat ad habitandum arcenses ædes, templo pro-
pinquas.

pinquas. Atq; vt est, ea Basilica Stanislai Martyris, & qui cum rara Sanctitatis opinione vixerunt, & decesserunt, Joannis Grot, Prandotæ, Cracouiensium item Episcoporu, sepulchris, alijsq; præterea plurimis, & nobilissimis Seruatoris nostri, & Sanctorum Reliquijs inclyta, nunc hæc, nunc illa venerabundus adibat sacra monumenta: prout spiritu deuotionis agebatur: cuius impulsu, non raro se confessu Collegarum repente subducens, ad aliquod sacroru pignorum, genibus accidebat.

C A P V T VII.

Humilitas.

HActenus superioribus capitibus profecutus sum, eas Thomæ virtutes, quæ peculiari ratione Deum ac Cælitates respiciunt. Jam verò ex ijs, quæ hominis animum in se ad se, ritè componunt; nec tam alijs, quàm habenti prospiciunt, meritò prima sese offert, quæ est fundamentum cæterarum: ea scilicet temperantiæ pars, quæ modum appetitui excellentiæ ponit: & vulgò iam, solis, quoad sciam, Christianis vsurpatò vocabulo, Humilitas appellatur. Virtus Diuinæ, & humanæ gratiæ conciliatrix, è cælo in terram cælestium donorum copiam euocans, ad ea capienda animæ dilatans sinus, ac demum Spiritui sancto, in corde hominis, quietissimam ac tutissimam præstans stationem. Hac igitur spiritualium præcipuè commodorum tam feraci virtute, haud faciliè dixerim, quantum præstiterit, alijsq; præiuerit Thomas. Ex profundâ proprij nihili cogitatione orta, ac frequentissimis actibus, in habitum, & veluti in naturam versa, congenita illi esse videbatur. Eam porro ipse, factis semper magis quàm dictis exhibuit. Quæcunq; æstimationem sui parere poterant, nō rat constanti silentio tegere: laudes suas non solum pronis auribus non excipere, sed & laudatores auersari: quidquid boni, studio, ope, operâ eius effectum esset, Deo ex integro tribuere:

Eleemofynas liberales, quoad posset, largiri occultè, vt planè nesciret sinistra, quod faceret dextra: pauperes comiter affari; non à personis, non ab occupationibus vilibus abhorere. Ipse cubiculum, ipse luto perlitos calceos, proprijs manibus purgabat: pueris interim sopore oppressis productiorem indulgens somnum: eò quòd diceret eos dormiendo potissimum crescere. Non rarò, iam Episcopus, suas ipsemet sarciebat vestes. quod cùm in diuersorio quodam fecisset; (vestimentum quoddam humilius refecerat:) & acum commodatò ab hospite acceptam restituere oblitus, viã sese dedisset: re, posteaquam aliquot milliaria iam confecisset, animaduersã; continuo acum per famulum equitem remisit: ne vel minimum quid, penes se remaneret alieni. Minuta hæc cuiquam, aut etiam risu digna, videri possint; ijs præsertim; (vt quidam rectus æstimator rerum in simili ait:) qui in profanis historijs, euersiones Regnorum, excisiones vrbium, oppleta classibus maria, constratos cadaueribus campos, cruoris flumina legere assueti, dum huiusmodi facinora, velut sola magna, suspiciunt, quid aliud quam grandia scelera mirantur? Nam qui è disciplina Christi, veri æstimatores prodeunt; sole veritatis æternæ, puras eorum mentes desuper illuminante, nequaquam minima esse ducunt, quæ maximarum virtutum (vti hîc humilitatis & iustitiæ) effecta iuxta, ac documenta existunt. Sæpè minuta in superficie terræ auri ramenta, grandes intus reconditos thesauros indicant: & profani etiam indices, non minùs in subtilissimis operibus, quàm in vastis molibus, eximiorum artificum, & præstantiam agnoscunt, & celebrant encomia.

Cultus corporis, non rarò indicat, vel tumorem, vel modestiam mentis. Medius quodam modo erat Thomæ: vt nec squalore inusitato, nec exquisito nitore, hominum oculos in se conuerteret. Materies amictus Episcopalis, intra decorum status, infimi pretij. Serici pretiosioris vsum studio vitauit, quòd diceret Episcopum haud decere. Vidi præsentatam mihi ab Reuerendissimo eius nepote, sotannam; meritò inter sanctio-

ris me.

*Alieni
recepto*

ris me
tum o

H

ad se a
las vn
lo Dec
hic att
ginis a
ad Eccl
Succu
rapuer
multa
tholice
intent
rum,
de pre
verum
litis fla
tereun
oblatu
eo ipse
virtutu
pagina
cidi in
fionis
dum H
dum S

ris memoriae pignora referendam, cum ob Sanctitatem viri,
tum ob qualitatem materiae, modestiae indicem.

C A P V T VIII.

Contemptus honorum.

Hvmilitatis matris gloriosa proles, testisq; veracissimus,
honorum contemptus, specialius in Dei seruo enituit:
quippe qui rarissimo exemplo, quo omnem ambitioni
ad se aditum praeccluderet, votum emiserat non admittendi vl-
las vnquam Ecclesiasticas dignitates. quod quidem votum so-
lo Deo conscio factum, qua occasione postea patuerit, libet
hic attexere, ex Annalibus Congregationis Beatae MARIÆ Vir-
ginis assumptae, in Domo Professa Cracouiensi Societatis IESU
ad Ecclesiam S. Barbarae, dudum erectae. Librum hunc miles
Succus, expilando Domum Professam, inter cateram praedam
rapuerat: atq; vt erat, & magnitudine & elegantia visendus,
multa praesertim inauratione splendidus, redimendum Cuius Ca-
tholico obtulerat. Disceptatum aliquandiu de pretio: securi
intentata minitari Succus, in partes minutas se librum sectu-
rum, ni postulata pecunia numeraretur. Conuentum tandem
de pretio, auctiore nonnihilo, quam primitus Cuius obtulerat,
verum longe inferiore, quam aut valor rei, aut cupiditas mi-
litis flagitabat. Demum, post aliquot annorum interualla, praer-
tereunti fortuito, Sacerdoti Domus Professae, beneuole a Ciue
oblatus liber, suauis Diuina prouidentia opportunè disponente,
eo ipso planè tempore, venit in manus meas; quo moliri hanc
virtutum Thomae enarrationem caperem. quippe vix aliquot
paginas leui contentorum animaduersione euolueram, cum in-
cidi in titulum praefixum, hisce disertè verbis. (Insigne demis-
sionis animi exemplum, datum omnibus ab Perillustri & Admo-
dum Reuerendo Domino Congregationis nostrae Praefecto,
dum Suffraganei & Officialis Generalis Cracouiensis honorem

sibi delatum pro posse fugeret;) tum facti subsequitur narratio :
quam uti diffusio rem contractiore nonnihil adstringo stylo.

Illustrissimus & Reuerendissimus Antistes Cracouiensis Petrus Tylicki, vir magni iudicij, & vineæ sibi diuinitus creditæ peruigil custos, cultorq; perstudiosus, cum diu multumq; secum deliberasset, quemnam sibi Suffraganeum & Officialem in locum defuncti deligeret, negotio Deo, per se, & Religiosos viros commendato; vtramq; dignitatem Thomæ Oborski derulit. qui gratijs actis, respondit: se dudum firmiter apud se statuisse, nullam dignitatem Ecclesiasticam admittere: viuere se, porroq; victurum præsentis sue sorte contentum. Repulsam Antistes passus, iam aliò verterat curam. nec deerant, qui pro se vtramq; dignitatem sollicitè ambirent. Sed cum, Deo ita ordinante, variarum interuentu circumstantiarum, diu nihil fixum statueretur, nec vltra conatum res procederet; factum est; instinctu, ut creditur, Dei: qui lucernam hancce nequaquam sub modio latere, sed in candelabro dignitatis Ecclesiasticæ expositam omnibus lucere voluit: ut Antistes pristinas cogitationes, studiumq; resumeret. Itaq; validum ad expugnandum Thomæ animum arietem adhibet; directorem conscientie eius. Is erat Pater Fridericus Schembekus Societatis **JESU** Theologus, idemq; Pater dictæ nobilium Congregationis, vir propriae iuxta, & alienæ perfectionis perstudiosus: translatione armorū Spiritualium, præcipuè exercitiorum S. Ignatii, institutione spirituali iuuentutis, crebris inde animarum lucris celeberrimus; ut vulgò appellaretur, vernaculo quodam, vocabulo, *lapidusza*, quod Latine venatorem seu aucupem animarum verteris. Is igitur ponderosis rationum momentis, Thomam aggressus, pressius institit, ne dignitates ab Antistite, solo maioris Ecclesiæ boni intuitu oblatas, defugeret; neue eas, ut honores, sed ut onera pro maiore Dei gloria portanda subiret; demum religione tangeretur, si Deo legitimè per Superiorem vocanti, resisteret. Ad iteratum, de quo iam minimè cogitabat, insultum, exhorruit Thomas. Tum collecto ani-

mo, ne

mo;
discu
Eccle
gâ, v
turis
mnit
tra P
inter
ideo
tene
acqu
labo
cessi
de, c
resist
câ
Don
min
nibu
pot
de r
quer
tunc
nâ f
nem
cule
man
rem
æ

mo; ne te, inquit, pluribus occupem, teneamq; suspensum discursibus; scito me, emisso voto, omnem mihi aditum ad Ecclesiasticas dignitates præclusisse: Christi, in honorum fugâ, vestigijs velle insistere; ab Creatore in cælo, quam à creaturis in terra, honoribus exornari malle. quare missum se omnino faceret, nec in persuadendo frustra desudaret. Contra P. Fridericus, gnarus; quantum totius amplissimæ Diæcesis interesset, talem Suffraganeum & Officiale mancisci, non ideo vrgerè destitit. Ex grauiorum Doctorum sententiâ, haud tenere votum in talibus circumstantijs: quorum auctoritati si acquiescere nollit; posse & debere in melius commutari; in labores scilicet, quos Suffraganei Officium in tam amplâ Diæcesi secum ferret, & plurimos & maximos. Non esse proinde, quod conscientia suâ metueret; esse verò; si Deo vocanti resisteret. Hominem tenerrimæ conscientia, religione iniectâ maximè percussum, mensè circiter deliberatio tenuit. Donec missis ad singula canobia elemosynis, Deoq; per homines Deo dicatos consulto, vix tandem Theologicis rationibus, authoritati directoris propria conscientia, legitima potestati, ac per eam Deo haud dubiè; (vt post effectus abundè monstrauit,) Deum quodammodo propter Deum relinquens, manus dedit. Hæc ex Annalibus Congregationis, cuius tunc præfectum agebat. Et verò; solo tum maioris gloria Diuinæ studio, id oneris Thomam subiisse; constans postea, eminentiorum etiam & opulentiorum dignitatum neglectus, luculenter docuit. Nam & Episcopatum Chelmensem, & opimam Claræ rumbæ Abbatiam, cum Constantiâ, Reginâ fauorem & operam suam apud Sigismundum III. magnum virtutis æstimatorem, deferente, nullo negotio obtinere potuisset; adduci non potuit, vt vel vno digito in eam curam incumberet. deniq; rarus honorum, opumq; contemptor, vnico duntaxat beneficio quoad vixit, contentus fuit.

C A P V T IX.

Patientia.

Cognata humilitati patientia, & aliarum lapis lydius virtutum, quàm præsto semper fuerit Thomæ; ad omnes iniurias, & incommoda superanda; editis ab ipso heroicis eius exemplis luculentiùs constabit. Agente adhuc in viuis Thoma, vir primæ inter Perillustres Collegas auctoritatis, Erasmus Kretkowski Archidiaconus Cracouiensis, insignia complura virtutum Thomæ, ac præcipuè humilitatis, ac patientiæ facinora demirans, ac dilaudans, id quoq; inter alia, me audiente retulit. Collato pluribus, in cuiuspiam vici Ecclesia, Confirmationis Sacramento; vasisq; sacris arcæ, arcâ curruï impositis, currum iam ascensurus erat, cùm superuenit mulier, postulans tingi Sacro Chrismate. Iussit ille mox arcam cum sacro apparatu curru deponi. Enimuero famulus id indignè ferens, arcam, eo impetu ex curru eiecit, vt sacer apparatus per terram passim spargeretur. : tum conscenso equo, bombardâq; exonerata, furibundus abiit. *Parec* *eq* ~~Patienti~~ *Thomas*, tranquilloq; animo, ~~ve~~ *ve* ~~cordem~~ *cordem* famuli proteruiam ferens, ad colligendum proprijs manibus apparatus, se contulit : nec nisi administrato mulieri Sacramento, viæ sese dedit.

Erat Thomæ ab obsequijs sacris Presbyter, cuius nomini aliàs non ignoto parco. Is animi impotens, moribus asper, verbis mordax, quibus non verborum aculeis, Episcopi heri vtiq; sui, exercebat patientiam? Qualis tu mihi, aiebat, Episcopus? nomine tantum non re : titulum habes non vitulum : tum admiratione irrisoriâ, exagrans cognomen Oborscij à stabulo dictum : atqui pecora, inquit, in stabulis nascuntur. Hæc & huiusmodi alia, spiritu Bricciano, Presbyterum effluentem, excipiens Episcopus spiritu Martiniano, non indignationem prætulit : non asperius regessit verbum : factus tanquam non audiens, & non habens in ore suo redargutiones.

nes,

nes. Sanè pro potestate, quã pollebat herili, potuit tam in
famulum quam in Presbyterum, condignis pœnis animaduere-
tere, nisi cedens improbitati, patientiã maluisset, quã po-
tentia præbere documenta. Casus; qui non citra famulorum
culpam cum periculo vel damno Dominorum incidentes,
multam alijs bilem accendere solent; clementer sedatèq; fere-
bat. Euerterat aliquando Auriga tanto impetu currum; in
planã (vt omnibus videbatur) via; vt ex quatuor ferreis fulcris,
testudinem lecticæ sustinentibus, vnum quidem frangeretur,
reliqua curuarentur. Iaculatus alius quispiam verborum ful-
mina, ossifragium aut sæuos ictus minatus fuisset: vel etiam
subitam iram, in diram acuisset lanceam: at Thomas, verba
duntaxat aliquot lepidè prolocutus, quibus indignatio Comi-
tum in aurigam coorta sedaretur; mos tibi est, inquit, latum
collare ad pallium requirere, currum autem nescis bene regere.

In Conuentu Canonicorum, statis diebus cogi solito, qui
vulgò Capitulum vocatur, is qui ei tunc præerat, vir cæteroqui
laudatus, nescitur ex qua causa, irã aduersus Thomam sum-
ptã, futili prætextu vehementius institerat, vt ab concilio in-
terim facesseret; ne verbo quidem obnitens paruit Thomas,
iamq; ex confessu abibat: verùm præcipui Collegarum, rei in-
dignitate commoti, modestè pariter & cordatè obstitère: sibi
quoq; si ille abiret, abeundum cum eo fore, profitentes. Quã
erat simplicitate, moribusq; ad normam seculi minimè ex-
actis, patiebatur nonnunquam à nominatis etiam viris, sed sui
dissimilibus, scommata & reprehensiones: constanti patientiã,
animiq; æquitate, tolerabat talia: non indignari, non repun-
gere, non expostulare cum inferentibus iniuriam, non apud
alios conqueri, silentio deniq; & obliuione omnia transmitt-
ere, perpetuum illi fuit. Quæ res eò maioris apud Deum meriti,
maiori hominibus admirationi, ac internæ eius perfectionis
illustrius extitit argumentum, quo prædominante bile ferui-
dus Thomæ ingenium natura erogauerat. vt non nisi perui-
gii cura, assiduo luctamine, certaminibus iuxta & victorijs
plurimis,

plurimis, ea ipsi, patientis quorumlibet aduersorum euentuum animi, sancta habitudo constiterit.

C A P V T X.

Magnanimitas.

CVM præstanti modestia, & humilitate inerat Thomæ coniuncta par animi magnitudo: Sapientissimo donorum suorum largitore, ac in excolendis, orandisq; animabus summo artifice DEO, contrarias etiam in speciem virtutes (neq; enim re ipsa aut sunt aut esse possunt contrariæ, alioqui virtutes non essent;) humilitatem, inquam, & magnanimitatem, ita artificio gratiæ suæ attemperante, vt neutra seruo suo deesset, & altera alteri minimè obturbaret. Cætera, vt supra memorarum, egregiè humilis, tunc præcipuè celsitatem animi exerebat, cum de honore DEI, aut immunitatibus Ecclesiæ ageretur. Tunc enimvero non personas respiciebat, non vultus potentium reuerbatur. Et quamuis edomitos haberet affectus; neque eos vltra præscriptos à ratione terminos euagari sineret; nihilominus cum res poscebat, non secus atq; accipitres aut canes immittebat, in fontes & elatas mentes. Documenta magnanimitatis eius aliqua promo.

Vir quidam genere prænobilis; verum vnus ex ijs, de quibus Psaltes; *non proposuerunt Deum ante conspectum suum, Psal. 53.* &, *non est timor Dei ante oculos eorum; Psal. 13.* is inquam DEVM cupiditati suæ postponens, Virginem; studio castitatis nuptias ipsius declinantem, eaq; de causâ arctiore votorum vinculo, obsequio Dei ac Religiosæ vitæ nuncupatam; portâ monasterij nitrato puluere, eiectâ, sacrilego ausu raptam, incestis nuptijs copulauerat. Vehementer tam enorme scelus commouit; cum secularis, tum præcipuè spiritualis status homines. Quid ille non dixit? quid ex sua parte non egit? ne impunitas sceleris teterrimi exempli, esset alijs illecebra peccandi. Multatus ille quidem erat grauissimis pænis, Ecclesiasticâ simul & ciuili pro-

scriptio-

scriptione; at cum cognatus eius, potentissimus procerum, honori familiæ consultum volens, non parum pro eo laboraret, & apud Summum Pontificem, ad Ecclesiasticam censuram; & apud Rempubicam, ad infamiam tollendam; Thomas tantum crimen indignum præproperâ indulgentiâ ratus; nequam respiciens vultum potentis, magnâ libertate palàm inuehebatur in eum; aduersus quem, præpter formidandam omnibus potentiam, vix aliquis etiam Magnatum hiscere auderet.

Vt est licentia militaris, absentibus præsertim Ducibus; haud modicis iniurijs & damnis miles in statuis agens, bona quædam Ecclesiastica affixerat. Re cognitâ, ac plurimum super pauperes subditos miserescens Thomas, acres mox, ad Supremum exercituum Regni Ducem, exaravit literas, quibus immunitates violatas, pauperes oppressos, grauissimè conquestus, censuras insuper Ecclesiasticas, & vindictam cælestem Duci intentaui. Metuens porro famulo literas deferenti; ne ab homine vehementis naturæ aliquid pateretur; iussit, redditis per alium literis, nullâ ibidem factâ morâ, reditum maturare. Bene ea libertas, Ecclesiastico viro digna, cessit Thomæ. Nam tametsi Dux, lectis literis, non leue commotioris animi indicium dedisset, requisuissetque, quisnam attulisset literas; vt erat tamen non virtutum minùs, quàm victoriarum ex hostibus reportatarum, laude præcellens, tum de insigni Sanctitate Thomæ vulgatissima opinione imbutus, victor & ipse sui, facto ipso perbeneuolè respondit: cum ex bonis Ecclesiasticis militem facessere confestim mandauit.

Ab obitu Episcopi Cracouiensis, administrabat Thomas Episcopatum. Successor Episcopi duntaxat nominatus, vir Primæ in Regno authoritatis, non acceptâ ab administratore expressâ licentiâ, vsurpauerat nonnullam spiritualem functionem, quæ ei necdum de iure competeat. Non dubitauit Thomas ex eo percontari, quam potestate id fecisset. Respondente; factum à se in ratihabitione: festiuè iuxta ac liberè Thomas, quid si inquit Diabolus non intelliget, quid sit ratihabitio?

Quidam è Clero non postremæ notæ, obuium fortuito Thomam salutare ambiebat. Retraxit dexteram Thomas : negans se id ei officij præstare posse, quoad vinculo excommunicationis teneretur : tum vt quamprimum exsolui curaret ; grauius admonuit. Atq; hæc cordata agendi ratio, vt vulgò cunctis nota, animisq; præcepta, citra asperitatis notam, offensamue cuiusquam, perpetua illi in similibus occasionibus fuit.

C A P V T X I.

Mortificatio.

Quantum ad animi comparandam, augendam, tuendamq; puritatem conferat, seuera in carnem rebellem animaduersio : & exemplis Sanctorum, & verò, magisterio Diuini spiritus, edoctus Thomas, mortificationem Christi, iugiter in corpore suo, castigans illud, & in seruitutem redigens, portauit. Frequens illi cilicij vsus, qui interdum motu corporis, quasi molestum sensum excutere nitentis, alijs ad id magis quàm ipsomet, aduertentibus, prodebat : flagellis in se atrociter sæuiebat. Ea omnia incommoda, quæ longæ peregrinationes secum ferunt, pari & subijt alacritate, & constantiâ tolerauit. Nam urbem, limina Apostolorum visendi, cæteraq; pietatis causâ, bis pedes adiit. Egressus Cracouiâ, cum triginta peregrinationis socijs, cum quinq; dumtaxat comitibus, Romam attigit : reliquis, siue quòd corporis seu quòd animi impares vires, attulissent, celerantem assequi non valentibus. Itaq; intra trimestre spatium, totam peregrinationem obiit : cum Romæ tres integras hebdomadas, commoratus fuisset.

Lectus illi palâm decenter stratus, ad singularitatis notam euitandam, non ad somnum capeffendum : neq; enim in eo vnquam decubuit : sed ordinarium stratum ipsi erat, saccus rudi tela, fartus stramine, quem quoties Diæcesim obibat, aliudue

faciebat

facie
noct
maru
deret
In qu
stij,
bita
strata
illibe
debar
niuis
quot
pieba
stans
surâ,
fatis
pieba
tiend
uis d
fallen
peric

N
nion
quiet
esset,
post
quàm

faciebat iter, vacuum circumferebat. Is in diuersorio, vbi per-
noctaturus erat, stramine aut feno implebatur, eratq; plu-
marum loco: quanquam id quoq; genus strati, cum ei molle vi-
deretur, in scamnum vel humum, lassum reclinabat corpus.
In quodam diuersorio à patrefamilias curiosius per foramen o-
stij, quid Thomas ageret inspiciente, obseruatus est, postha-
bitâ lecti commeditate, in terram se tenui duntaxat tapete in-
stratam, abiectis. Mensa pro conditione accumbentium non
illiberalis; intra tamen limites modestiæ. nec solum ipse stu-
debat temperantiæ, verum etiam cauebat studiosè, ne con-
uiuus quos tractabat, excedendi in potu præberet ansam. Itaq;
quoties caritatis mutæ conciliandæ, augendæq; gratiâ; exci-
piebat mensâ Perillustres Collegas; suppeditabat vinum præ-
stans pro dignitate personarum: in certâ tamen singulis men-
surâ, quæ & excessum arceret, & corpori, animoq; recreando
latis esset. Quod & ipse gratiosè faciebat, & conuiuæ acci-
piebant iucundè, festiuis interim iocis ludentes, in eam adme-
tiendi vini sollicitudinem. Ludos, quibus alij nonnihil otij, sal-
uis decori legibus, impendunt animorum à curis laxandorum;
fallendi temporis gratiâ; nec ipse vsurpabat: nec ab alijs, vbi
periculum adesset Diuinæ offensæ, vsurpari domi suæ sinebat.

C A P V T XII.

Castitas.

Nemo erat, qui in materiâ castitatis, sinistri quidquam,
de Thoma proloqui auderet: præcellente Sanctitatis opi-
nionem, tenues etiam suspensiones depellente: quam opi-
nionem factis asserebat. Solus in conclaui interiore capiebat
quietem: nemine etiam ephorum, qui ad obsequia præsto
esset, admisso. Inuitatus à Magnate quodam ad conuiuium,
posteaquam aduertit; matronam quandam melioris formæ
quàm famæ, eidem mensæ accubuisse, negauit ad eam mensam
locum

locum sibi esse. Retinente comiter Magnate, conuiuis ad latus⁹ fitis, egressum negantibus, per calcatam mensam ab dedecoro sese eripuit confessu. Erat Thomæ perpetis martyrij instar, morbi genus quoddam: medici Dyluriam appellant. Hæc verò in postrema agritudine, ita inualuerat, vt ad suprema eum deduxerit. Varijs tentatis remedijs, nec quidquam proficientibus, obtulerat operam suam non nemo chyrurgorum, spondens, se beneficio certi instrumenti amotis obicibus, vijsque laxatis, prægrauante retento humore, naturam leuaturum. tamen licitum remedij genus, erat tamen arduum, nec satis certum, & pudibundo homini valde contrarium. Quid plura? præoptauit Thomas potius mori, quàm vim verecundiæ suæ incerto euentu inferri.

C A P V T XIII.

Labores.

DE his vtique compendio (quis enim omnes recenseat?) in præsentiarum loquimur: quos cultu Diuino promouendo, salute plurimarum animarum procuranda, triginta præsertim annorum, quibus munere Episcopi functus est, curriculo exantlauit. Itaq; citra exaggerationem ausim dicere; paucos admodum nunc cultores vineæ Christi reperiri; qui cum Thomâ, magnitudine, assiduitate, tolerantia laborum, ex æquo certare possint. Porro, ad capeßendos labores, etsi præcipuè maior Dei gloria, salus proximorum; ratio officij animum eius incitabant, non minimum tamen calcar addebat, memoria voti quondam emissi de non admittenda vlla dignitate Ecclesiastica: quod quia commutatam sibi reputabat in laboriosas Suffraganei functiones, religione se teneri arbitrabatur ad eas quàm exactissimè obeundas. Præcipuorum laborum numerosam seriem; in Diario eius adnotatam, ac Epitaphio, quod in Basilica Cathedrali extat, summatim insertam, lectori de verbo ad ver-

ad verbum excerptam, appono. Ordinationes sacras fecit CLVIII: quibus Presbyteros creauit, MMCLXXXV. sacrauit Ecclesias CXLIII. Altaria fixa DCCV. Altaria portatilia M. Calices MDCCLVII. Consecrauit Episcopos VI. Qui nouit quam operosa sunt huiusmodi functiones, non negabit utiq; Thomam seruiuisse Christo vsque ad defatigationem. Neque solum in virili ætate, sed etiam prouectâ, atq; ad extremam, vergente, strenuè & mirâ alacritate, dicta munia exquebatur. Neq; hæc solum officij sui propria, sed etiam ad alia antecessoribus suis insueta, spiritu actus Apostolico, sese extendebat. Enituit id potissimum in Apostolicis totius Diœceseos peregrinationibus: quas quo zelo, diligentia, lucrorum spiritualium siti pariter & prouentu obierit; sequenti capite explicatiùs proferã.

C A P V T XIV.

Zelus animarum.

IS enimuero, cum alias in totâ vitâ; tum præcipuè enituit, in lustrationibus Diœceseos (veriùs missiones Apostolicas dixerim) quibus vix quidquam in tota eius vita illustrius extitit. Fuerunt illæ, planè spectatissimum virtutum eius theatrum: officina meritorum: campus bene de proximis merendi amplissimus: quo Thomas, totis laxatis caritatis habenis, in salutem plurimarum animarum irrequietus ferebatur. Quod nemo ante factitauit; obibat Diœcesim: amplius quam mille parochias complectentem: id quod faciebat, bis singulis annis: tres integros menses, vnicuiq; impendens missioni. Porro, talium missionum, hæc ratio, ordo, subsidia fuere. Ducebat secum semper, quatuor Presbyteros: duos è Societate IESV: quorum functio perpetua erat, pænitentibus aures dare: conuocari: rudes, fidei & morum doctrinâ, tum in Ecclesijs publicè, tum in domibus priuatim imbuere: nodos conscientiaë resolvere; discordes in mutuam gratiam reponere; dissidentes

in religione Orthodoxæ Ecclesiæ restituere. Duo alij, domestici eius erant: vulgò Capellani dicti; quos morum integritate & doctrinâ, cæterisq; talentis peridoneos, ad similes deligebat functiones: & obligatos esse; adiectâ hacce disertè, cum eos ad obsequia reciperet, conditione; volebat. Hi quatuor erant, Apostolicarum eius peregrinationum perpetui comites: ordinarij laborum socij: & in visitatione parochiarum, velut auxiliaria manus: ad suppetias Curionibus ferendas, ordinata. Cæterum præter hanc ordinariam manum; alij quoq; ex vicinis pagis & oppidis Sacerdotes, famâ aduentus Thomæ, velut classico exciti, ad præstitutum visitationis (quæ erat instar magnæ celebritatis) tempus, frequentes adesse solebant: quò, in partem laboris venirent: in confessionibus populi concurrentis maximè excipiendis: vt suo loco referam. Duabus ante septimanis, quàm vnâquamq; adiret Ecclesiam; præmittebat per famulum patentes literas: quibus publicè in Ecclesia ex suggestu lectis, inuitabatur populus ad percipiendum Sacramentum Confirmationis: præuiamq; exemologesim. Monebantur præterea Dynastæ locorū: quò subditis pro eo tempore immunitatem à consuetis laboribus concederent: quod quidem illi perlibenter faciebant; neq; solùm Catholici, sed (quæ erat opinio Sanctitatis de Thoma) etiam Hæretici. Quare ad stuporem, numerosissimus confluxebat populus: Parochis ipsis admirantibus, tantam frequentiam; quantam aliàs in solennissimis etiam festis cernere, haud sibi contigisset, non solùm Ecclesiam, sed & cæmeterium confertim implebant. Conspectu tantæ multitudinis, plurimum delectatus Thomas, continere oculos non potuit; quin internum gestientis animi gaudium, prorumpentibus lacrymis testaretur.

Per eundem famulum, præmittebat pecuniam, suæ & suorum sustentationi necessariam; maiorem vel minorem; pro numero dierum; quibus in rem cuiusq; Ecclesiæ commorari eum necesse erat: quippe nolebat Parochos vllò grauari sumptu, & si qui opulentiores renuebant accipere, ferebat ægrè; ac solito

iam

iam
sitam

V

mor

Con

com

rate,

plici

cos

Soci

Tho

ribus

rant

distri

quor

meri

stem

ab e

mini

nes l

lerab

gens

rios

cept

Ja

mini

quan

cede

Sella

mod

De

ocula

hisce

oppr

iam tristior affidebat mensæ: denique in discessu clam suppositam relinquebat Curioni pecuniam.

Vt primum quampiam Ecclesiam adiit; nullâ interpositâ morâ, solita munia aggrediebatur: atq; inprimis Sacramenti Confirmationis administrationem: cui pueludebat semper, accommodato ad præsens negotium sermone, de naturâ, dignitate, effectibus Sacramenti: id quod vel ipsemet faciebat; simplici quodam, naturali, ingenuo, citraq; affectatæ orationis fucos modo: vel per aliquem è duobus, quos secum ducebat, Societatis Presbyterum. Intento Episcopalibus functionibus Thomâ; familiares interim eius, tum alij, tum qui ex vicinioribus Parochijs ad constitutam visitationis diem frequentes aderant Presbyteri, per exedras, in templo & cæmeterio dispositas, distributi; toti erant in audiendis Confessionibus pœnitentium: quorum tantus erat numerus, vt à summo mane (vix datâ sub meridiem reficiendo corpori aliqua quiete) ad mediam noctem, non rarò producerentur. Attendebat ipse, ne quispiam ab excipiendis confessionibus distraheretur: ideoq; ipsemet administrabat Eucharistiam: quanquam cum per alias occupationes liceret; dabat & ipse aures confitentibus. Laborem vix tolerabilem, non parum expeditiorem, reddebat, præuia diligens, Cathedistica institutio: ita vt pœnitentes ad Confessarios non accederent, nisi prius in mysterijs fidei Christianæ, præceptis Dei, modoq; ritè confitendi, ac communicandi instructi.

Jam verò, Sacramentum Confirmationis, quò expeditiùs administraret, curabat confirmandos in duos distribui ordines: quam longa erat Ecclesia, protensos: inter quos medius incedens; ac ad singulos accedens; conferebat Sacramentum: Sellâ Episcopali interim vacante. adeo oblitus propriâ tû commoditatis, tum dignitatis; nonnisi populi vsibus seruebat.

Deniq; libet hîc adextere, quæ de magnitudine zeli Thomæ, oculatus gestorum eius testis, Pater Valentinus Sophronius, hîcce perscripsit ad me verbis: Tolerabat Antistes Laodicæ opprobria: rerum defectum: cæli iniurias: animabus Deo reconcilian.

zelus
animas
 conciliandis intentus, calcabat fimeta: tuguria squalida ingrediebatur: vt interroganti quidnam illic ageret; respondere potuerit; gemmas ex stercore colligo: animas, inquam, pauperum, miserorum hominum, pro quibus mercator non insipiens, ipsa vtiq; Sapientia, Filius Dei, pretiosissimum Sanguinem, vitamq; ipsam impendit. Hinc fortasse proficiscebantur illa oscula, terræ; seu in campis seu in templis, frequenter ab eo infixæ: quibus (vt credere fas est) Deum adorando; vel Numinis auxilium implorabat: vel custodes hominum Angelos salutando: eorum simul opem postulabat: vt se suosque cooperatores, in animabus Christo Domino lucrandis, adiuuarent. Eundem zelum testabantur lacrymæ: quæ erumpebant ex oculis eius, tam in itineribus quam in colloquijs ad mensam: cùm aliquid notabile de lucris animarum per exomologesim factis narraretur. Ex hoc zelo, & amore erga animas, tantum illi inerat studium conuertendi ad Deum proximos; vt cùm necessitas postularet, ipsemet confessiones vulgi exciperet, & propter instructionem rudium, libellos secum circumferret: ac denique, singulis diebus, à meridie ad populum verba faceret, de Sacramento Confirmationis & penitentia: tantâ constantiâ, vt si quando plures non adessent, præsertim cùm iam è loco ad locum seu ad Ecclesiam aliam transfundendum erat, tribus etiam hominibus doctrinam salutiferam instillaret. Hæc his ipsis verbis P. Sophronius. Ex quibus alijsq; supra allatis, plura eiusdem generis colligere licet: quæ hîc breuitatis studio omittuntur.

C A P V T X V.

Misericordia & liberalitas in pauperes.

SVper miseros, pio miserationis affectu, intimè commouebatur. Eum verò non verbis solùm, sed & lacrymis, deum re ipsa, submisstrandis scilicet leuandæ miseriæ subsidijs,

Sidijs, testatissimum reddebat. Quoties è domo prodibat, sti-
 pem manu sua largiebatur : nemine pauperum præterito : qui
 proinde frequentes, & sequebantur, & occurrebant eunti :
 certi se Eleemosynâ non frustrandos. Cùm alios Ordines
 Mendicantes, tum Societatem JESU, cuius obsequijs ad suum
 profectum & aliorum salutem promouendam utebatur; pecu-
 liari beneficentiâ prosequeretur. In Domum Professam vti ex
 instituto mendicam; absq; villo bonorum immobilium, cen-
 suumve subsidio; ex meris viuentem eleemosynis; impensior
 eius liberalitas extitit. Cùm alijs temporibus, tum præcipuè
 pro festis solennioribus, modò pecuniam vsibus templi vel
 domus necessariam, occultè quidem, quoad poterat, tribuebat :
 modò villanæ munera gazæ, grandes frumenti acruos, ac co-
 piosum alitum domesticorum numerum, inferri in domum
 curabat. Hoc verò, beneficentiam eius faciebat gratiosissimam:
 quòd non expectabat, vt ab eo leuamenta inopiæ peterentur;
 sed vltro, non rogatus tribuebat : præueniens etiam neces-
 sitates : ac per hoc modestiæ pudoriq; consulens eorum, quos
 quantum egestas impellebat ad petendum, tantum, vel am-
 pliùs verecundia retrahebat. Occupatus aliquando lustrandâ
 pro more Diæcesi, consuetas, solito tempore non dederat Do-
 mui Professæ eleemosynas : tarditatem redux compensauit a-
 bundè liberalitate : missis, per vnum è nostris laborum Socijs,
 quadringentis florenis.

Inerat Thomæ perrara mortalibus virtus, pecuniæ contem-
 ptus : qui vel maximè in subitis piorum operum occasionebus
 enituit. Debebat ei Collegium S. Petri, aliquot centena flo-
 renorum, cùm iam tempus reddendi appeteret; conueniens
 eum P. Procurator Collegij, Lucas Gladissius; fatemur, ait,
 nos debere : atqui reddere non possumus, nisi veteri monetâ :
 quænam, (ait ille) hæc moneta? respondit Pater : Deo gratias
 Reuerendissime. tum nihil moratus Thomas; Bona, inquit, est
 moneta; eam proinde accepto libens. Misto admirationi
 gaudio, ex tam subito, tamq; liberali responso gestiens Pater,

pari admiratione & lætitiâ, domum inopiâ pressam compleuit. Eodem Christianæ miserationis affectu, duo millia florenorum pauperibus subditis remisit. Neq; solùm in præsens, piam prolixè exercuit liberalitatem: verùm etiam in secula postera transmisit: quippe experienciâ doctus, quantum ex lustratione Diæcesis, quotannis, vt supra dixi, à se fieri solitâ, spiritualium lucrorum in vniuersam Diæcesim, promanaret; quamq; innumeris ea functio Apostolica, Spiritualibus, præsertim misericordiæ redundaret operibus; quò hoc tantum bonum perpetuum esset; neuè successores eius, aut inopiâ ab Diæcesi obeundâ præpedirentur; aut Parochos grauarent; viginti millium summam, in perpetuum locauit censum: quo scilicet annuè percepto, & ipsimet in dictis lustrationibus commodè sustentarentur, & ad lustrandum obligatos se esse intelligerent.

Id verò in Thoma mirandum videtur, qui in tali mediocritate reddituum, vt pote vnico beneficio, eoq; non prædiuite contentus, non solùm consuetis, vel per occasionem incidentibus, velut inexhaustâ pietate tribuendis eleemosynis; sed etiam stabilibus fundandis, par esse potuerit. Atqui huius rei non vna causa assignari potest. Prima & potissima; benedictio Dei; *potentis*, vt Apostolus ait, *omnem gratiam abundare facere in nobis, vt in omnibus semper omnem sufficientiam habentes, abundemus in omne opus: bonum sicut scriptum est: dispersit dedit pauperibus, iustitia eius manet in seculum seculi.* Neq; enim, aut verax mentitus est; cùm dixit; *Date & dabitur vobis*: aut benignissima illa, ac beneficentissima natura, perennis omnis copix fons, patitur se liberalitate nostrâ vinci: quin potius quidquid pauperibus datur, sibi datum reputans, multiplicato fenore redhibet, attestante per Salomonem Spiritu sancto: *generatur Domino, qui miseretur pauperis.* Hac solâ, licitâ, piâ, sanctâq; vsurâ; hoc laudabili fenore, velut quæstuosissimâ vsus arte, abundabat Thomas in omne opus bonum. Verùm quia prudens illud sapientis ethnici pronunciatum; cum Deo manum moue; non apud Ethnicos solùm, sed etiam apud Christianos,

stianos, veritatis locum tenet; aderat Thomæ, in subsidium
 meliõris fortunæ, cum diligentia, tum industria, in tractanda
 re æconomica; ita quidem; vt non vsui ipsius, vnioniq; cum
 Deo, non tranquillitati animi obturbarent. quod sanè, seruis
 Dei, aspirante gratiã eiusdem, haud ita difficile præstitum est:
 dum omnia per diem agitanda, partim generali pro tota die,
 partim specialibus ad singulas adiones adhibitis propositis,
 ad maiorem Dei referunt gloriam: atq; in medio etiam oc-
 cupationum, denso agmine incurrentium, tumultu, in mi-
 nimis pariter & maximis negotijs, ad eum pro orationem re-
 currunt: sine quo nec maxima nec minima subsistunt: adeo,
 vt ipsa tractatio temporalium, sit ipsis materia agendi cum
 Deo. Quod vel maximè propter eos dictum velim; qui in-
 opia spiritus, curam rerum temporalium obtendentes, ne-
 gant se, mole terrenarum occupationum obstante, in Deum
 & cælestia, oculos mentis intendere posse. Quod secus se
 habere; frequens experientia, & Sanctorum exempla, docent.
 Nam priscais Eremicolis, solenne fuisse legimus: manuali la-
 bori iungere orationem: & manibus quidem laborabant, cor-
 de autem, quæ spiritus erant, voluebant. Quid tam occu-
 pat, & ab alijs cogitationibus auocat animum, quam cruen-
 tum negotium, pugna scilicet confligentium in bello; vbi spes,
 metus, cupiditas, ira, raptant in diuersa præliantium animos?
 Et tamen, de acerrimo bellatore Juda Machabæo, & pu-
 gnacissimis eius militibus, disertè testatur Scriptura: quod in
 feruore conflictus, mentes ad Deum eleuatas habuerint: *manu
 quidem, ait, pugnantes sed Dominum cordibus inuocantes.* Haud
 præterierim hic, admirabile illud organum Spiritus Sancti,
 Magistrum virtutum omnium meritò appellatum, Thomam
 de Kempis: cuius mihi vitam legenti, non semel incidit illa
 cogitatio, quonam pacto officium Procuratoris seu Præfecti
 œconomia totius monasterij; vtiq; munus, vt temporalium
 curarum plenum, ita distractionum feracissimum, vel suscipere
 voluerit: vel potuerit sustinere: vir cæteroqui Deo plenus, ac

tantæ vnionis vsusq; cum eo; quantum luculentissimè indicant,
 cum alia non pauca spiritali eruditione grauida volumina,
 tum præcipuè illud nunquam laudatum satis, quod titulo; De
 Imitatione Christi, prænotatur. Curus quidem libri; mole mo-
 dici, virtute maximi, dum vim, efficaciam, vtilitates cogita-
 tione persequor, finem mihi æstimandi eius, laudandiq; in-
 uenire non videor. Est, meritò dixerim, spiritus Christi me-
 dulla: cælestium sensuum armarium: armorum spiritalium
 promptuarium: calcar virtutis: fomentum sanctitatis: proue-
 ctio perfectionis: suaue animæ esurientis iustitiam pabulum:
 afflictæ solatium: quies turbatæ: perfugium tentatæ: labentis
 fulcrum: anchora fluctuantis: fida statio periclitantis: deniq;
 felicissimum, ac tale (quod sciam) sub sole vnicum, Euan-
 gelicæ, cælestis magistri J E S V Christi, doctrinæ, compendium.
 Verùm dum hæc impetu quodam calentis animi fundo; sentio
 me sensim delabi ad ea; quæ metas propositæ materiæ exce-
 dere videri possint. Igitur ad Thomam Oborski redeamus.
 Inde enim sumpta digrediendi occasio, quòd Thomas Obor-
 ski, quò pijs largitionibus sufficeret: haud ignauam rei œco-
 nomicæ nauabat operam: citra quidem detrimentum spiri-
 tus: vti; cum alij plurimi vitæ Sanctimonia conspicui, tum
 deditissimus alioqui rerum diuinarum contemplationi, Tho-
 mas de Kempis: ad quem vbi ventum est, ac ad diuinum eius
 De Imitatione Christi partum, mox cum auctoris, tum operis
 Sanctitas, in meritissimas sui laudes haud inuitum calamum
 rapuere. Caterùm, vti edicere cæperamus, altera post bene-
 dictionem diuinam, cur Thomas Oborski in misericordiæ ope-
 ra abundaret, causa fuit; scita & seria rei œconomicæ admini-
 stratio: neq; solùm bonorum proprij beneficij; sed etiam de
 alijs conductorum. quippe polygiam spiritali, velut sco-
 pulum vitæ Ecclesiasticæ, multorum naufragijs infamem, stu-
 diosè deuitans; quò tamen, & muneris sui dignitatem ex de-
 coro tueri, & piam in pauperes liberalitatem, prolixius exer-
 cere posset; malebat conducendis, etiam mercede, ac labore
 excolen-

excolendis, alienis agris, alijsq; operosis industrijs, rem familiarem, inoffensâ conscientiâ, augere; quàm contra Diuina & humana iura, adeoq; certo salutis periculo, pluribus beneficijs citra necessitatem, vel maiorem vtilitatem Ecclesiæ, incubare. Deniq; parsimonia, erat Thomæ, grandis instar vegetigalis. Sumptuosiorum oblectationum illicitarum, vsus penitus nullus: vix aliquis; nec nisi honestissimus, licitarum. non famulitium superfluum: non cultus corporis sui, ac suorum nimius: omnia intra decorum status: pretij modesti: necessitatis, honestatisq; modo demensa omnia.

Memoratis supra misericordiæ erga viuos operibus; libet adtexere opus misericordiæ erga mortuum, tantò illustrius, quod & vili personæ impensum, & non citra periculum vitæ. Agebat tum in villa Thomas, cùm vnum ex inferioris notæ famulis, lues pestifera extinxit. Porro metu letiferi contagij, cunctos deterrente, nemo erat familiarium, nemo villanorum, qui operam suam ad sepeliendum offerret. Itaq; ipsemet Thomas, operi quantumuis periculoso, quia pium erat, manus proprias admouet. Tum verò puduit seruos non sequi: quando herus tam animosè præiret. Exemplum incussit pudorem; pudor addidit animos; vt quod alioqui non fecissent; supremum obsequium conseruo præstarent, ac pij laboris socij facti, in meriti quoq; venirent societatem.

C A P V T XVI.

Iustitia.

EX supra narratis, pronum est intelligere, quàm exactus fuerit Thomas, in suo vnicuiq; reddendo iure. Sanè qui tam prolixè largiebatur propria, qui potuit vsurpare aliena? quomodo rem alterius, maioris momenti, sciens retinuisset, qui acum etiam, in diuersorio commodatò acceptam, postquam longum confecisset iter; Domino, vt Capite 7. memo-

raturum, remisit? Itaq; mercedem operarijs, stipendium famulis, mutuo sumpta Dominis, condicto tempore ex integro reddebat.

Ex villâ, cuius tum possessor erat Thomas, longo temporis tractu, non nisi quadraginta florenos antecessores certæ communitati pendebant, annui census. Postulante illa auctionem; seu quòd antiquitus plus dabatur, seu quòd auctis processu temporis annuis fundorum redditibus, conueniens erat augeri census: non contrariam consuetudinem, non aliud causæ opposuit Thomas; solius æquitatis habitâ ratione sanciuit: vt non quadraginta deinceps, sed quadringenti penderentur.

Pro tempore, quo lustrabat Diœcesim (quod quotannis æstiuis mensibus, magno, vt suo loco reddidi; Diœceseos emolumento, faciebat:) saluæ illi ex meritissimo Venerabilis Collegij consensu, manebant obuentiones: quas Canonici, non nisi præsentibus, hebdomadatim percipere solent. Lustratione quadam peractâ, cum rediret; persuaserunt Thomæ comites; vt in villa propriâ, post tot labores, suæ suorumq; quieti, aliquot dies daret. Commoratus est ferè biduum. Reduci obrulit Notari⁹ Capitulî, totum illud; quod deberi ipsi, à die egressus ex Ciuitate Cracouiensi, ad diem regressus, ad eandem; computabat. Negauit Thomas, percepturum se quidquam pro illis diebus; quibus hæssisset in villa: vt pote quos priuatæ quieti, non publicæ Diœceseos vtilitati impendisset;

Munerum constans aspernator erat; nec solùm eorum, quæ humanos animos ab recto & æquo in transuersum agunt; atq; ex iudicibus reos faciunt; sed quæ etiam honesto titulo conuestiri, daantemq; iuxta atq; accipientem à culpa excusare possunt. Cum consecrandis Ecclesijs, alijsq; laboriosis officij sui functionibus daret operam; non rarò ei varia à varijs, & à Magnatibus magnifica dona, grati animi testificandi causâ, offerebantur. Ea verò, nec acceptabat ipse; nec suorum quenquam accipere, permittebat. Magnatum quidam, in cuius bonis, Thomas templum solenni ritu dedicauerat; dedecori sibi du-

cens;

cen
rau
vt
Pre
tuli
(Gi
sit;
sus,
est
cui
in p
met

P
ipse
vide
latro
& o
Et q
cuili
tam
pler
speci
ni A
gesta
to, a
Inde
non

cens; si indonatum Thomam dimitteret; non parum laboravit, ut ab se nobile donum acciperet. Cum nihil profecisset; ut tamen animi sui celsitati, utcumq; faceret satis; comiti eius Presbytero ingessit quindecim imperiales. Adeo Thomas ægrè tulit, non repudiatum munus à Presbytero; ut præter acres, (Giezy & Simonis exemplis adductis) increpationes; professus sit; ne mensæ quidem eidem cum ipso assidere velle. Confusus, multumq; turbatus, pænitens multum Presbyter, coactus est recurrere ad Confessarium Thomæ P. Fridericum Szembek; cuius demum gratiæ, ac auctoritatis interuentu, ægrè quidem, in pristinæ gratiæ gradum est restitutus. Atq; hoc ita fuisse ipsomet Presbytero referente intellexi.

C A P V T XVII.

Infirmi prodigiosè curati.

Plâ quadam persuasione ductus; non facile remedium efficacius ad depellendos morbos inueniri putabat; quàm quod supremus animarum, & corporum medicus Saluator ipse insinuasse, ac velut ex obliquo probasse; commendasseq; videtur: dum eo usum Samaritanum, in eo, qui inciderat in latrones curando, refert. Itaq; vsitatissimum Thomæ fuit, vino & oleo commistis, & ad ignem modicè calefactis, mederi ægris. Et quanquam id genus remedij, si indolem eius spectes; non cuilibet indiscriminatim morbo curando idoneum sit; fiebat tamen; ut quod natura medicinæ negauerat, fides medentis suppleret. Plurimum huiuscemodi curationum; vnicum exhibeo specimen: ab P. Valentino Sophronio Societ. Sacerdote, trienni Apostolicorum Thomæ laborum socio; inter plura eiusdem gesta, mihi perscriptum. In vico, Mons S. Ioannis nuncupato, auriga, Gregorius nomine; vehementi caput æstare febris. Inde incessit Comites, non metus solum, ne ulterius progredi non possent, sed planè desperatio. Obiectum prosequendæ viæ impedi-

impedimentum deferunt ad Thomam: tum ille, ad vsurpatum toties, prospero euentu, remedium recurrit: vinum ipsemet cum oleo miscet: opponente quodam ex Religiosis Sacerdotibus, tali remedio ignem igni addendum; ac feбри ardentissimæ fomitem ministrandum; atqui (reponit Thomas,) Christi est hæc medicina: tum poculum infirmo mittit: intrepidè sumere iubet: sumpsit, conualuit, eodemq; mox die, herum & medicum suum, alacer vexit.

Nobilem quendam, septennium iam, morbus lecto detinuerat. Is quo die suprema officia Thomæ exsoluebantur, quæsiuit: quorsum Sigismundus pulsaretur; (Campana) est, ad Basilicam Cathedralem eo vocabulo indigetata, quod Sigismundi Primi Regis tempore, & impensis, steterit; opus ob raram magnitudinem, formæ elegantiam, præstantiam materiæ, sonique suauitatem, Regio nomine, & magnificentia dignum:) vbi igitur responsum tulit; pulsari Suffraganeo; Sanctus, inquit, homo is est. quid ego moror? yadam ad ipsum, vtcunq; poterò. Trepido, nutanteq; incedens gressu, vt primùm gradus Basilicæ attigit, integram sanitatem recepit. Quidam item, ad Corpus Thomæ, infirmo sibi restitutam valetudinem, cum esset adhuc adolescens; postea factus Sacerdos iureiurando affirmavit. Ferunt & mulierem oculis captam visum ibidem recepisse.

C A P V T XVIII.

Alia quædam admiranda.

Apparuisse Thomæ ægro Sanctissimam DEI MATREM; supra eum de deuotione eius erga Deiparam agerem; memorauit. Porro, fauorem huncce sibi præstitum, ipsemet Thomas, in Ephemeride Actorum quotidianorum adnotauerat: adnotatum, se legisse, tunc eius Clericus, post religiosus Cisterciensis Ordinis, Monasterij Claræ Tumbæ, Albertus Hæzel affirmatè narrauit Paulo Stanislao Smolicki: Scholastico Scar-

co Scarbiriensi : Præposito Neocorcinensi : qui demum mihi totum vt audierat, & à quo audisset, retulit. Neutri fidem derogare fas est : quorum alterum probatissima religiositas alterum prudentia, grauitas, virtus notissima, extra omnem falsitatis suspicionem ponunt.

P. Stanislaus Chmielewicz, Vicarius Ecclesiæ Cathedralis Cracouiensis, retulit mihi : cum adhuc operam literis daret, solitum se identidem adire ædes Thomæ, vti benefactoris sui. Quadam porro die, cum horâ prandij consuetâ, Thomas non compareret, percontatum se, vbinam esset, & quid ageret, Tibi verò, (inquit Capellanus,) si libet, licet illa parua ostij rimulâ contueri quid agat. Inspeci : orantem extensis manibus vidi : quid viderim, exposui. Tum Capellanus; atqui scito, inquit, cum non terræ, non cuiquam alteri rei insistere. Vehementiâ ignis in meditatione exardescens, in sublime actum, ac ab terrâ leuatum significabat. Solebat vt plurimum in locis aspectui hominum haud patentibus orare : vnde & in Ecclesiâ Cathedrali plerumq; ad latus maioris altaris, spatio inter aulæ, & parietem interiecto, abditus, orationi vacabat.

Idem Vicarius narrauit. Cum essem iam Ordinibus minoribus initiatus, atq; vnus ex ijs, qui sacro cantato modulatis intercinunt vocibus, itare me quotidie ad Ecclesiam Cathedralē necesse erat. Die ergo quadam, dum versor in Ecclesiâ, Sacerdotis ad altare accessum opperiens : animaduerto excidisse mihi sacculum, cum sex florenis. Mox relego vestigia mea : huc atq; illuc, quâ memineram me perrexisse, cursitans. Suum tunc in Ecclesia, Thomas, inter Canonicos, occupabat locum : surgit : anxie per Ecclesiam erranti occurrit, angoris causam sciscitatur; paucis illis; *ne sitis solliciti*; solatur verbis. Tum postquam Kyrie eleyson cecinissemus, me accersit, pecuniam amissam, reddit in eodem sacculo : & eandem ipsam, sed duplicatam : quippe supra amissam tantundem accreuerat. Sex florenos perdiderat : duodecim recepit : factus iacturâ auctior : nisi perdidisset, minus habuisset. Id quod non potuit non tri-

buere extraordinariæ Dei prouidentia: suæ quidem indigentia:, ut erat tunc tenuioris fortunæ, benignè prospicienti, serui autem sui sanctitatem, admirando hoc decoranti euentu,

C A P V T XIX.

Mortui vitæ redditi.

EX admirandis supra vim & ordinem naturæ effectis, quibus Deus serui sui sanctitatem testatam, illustremq; reddere voluisse creditur: illud sermone omnium vel maximè celebratur: quòd per eum in villa, dictâ Skrzyнки, operatus est. Ludebant pueri supra stagnum propinquum: vnus alteri pomum eripere nitebatur: dum neuter alteri concedit, dum spe potiundi, obstinatos vtrinque, hic retinendi, ille extorquendi multiplicant conatus; seseq; inuicem raptant, in ipso feruore puerilis luctæ, alter eorum ex abruptâ ripæ crepidine præceps in stagnum datus, profundis continuò absorbetur aquis. Tristi nuntio excita effunditur domus. Verùm dum trepidè de modo succurrendi consulatur; dum haud facile reperitur, qui periculum adire, ac voraces audeat inuadere aquas: dum vrinator altæ voraginis scrutatur fundum; nec facile reperit; & agrè extrahit; ampliùs quàm integram horam, puerum sub aquis esse necesse fuit. Lustrabat eâ tempestate pro more Diæcesim Thomas: ac Deo ita ordinante, in villam Skrzyнки venerat. Factum comperit: accurrit: exanime corpus reperit: indoluit: animo bono esse iussit: orauit: viuum puerum Parentibus reddit: qui dein gratâ recordatione beneficium occultentes; Deo, & precibus Thomæ, reducem filij vitam semper referebant acceptam. Rem prout recenter gesta est; vir prudentiâ ac pietate insignis, Stanislaus Garwaski Canonicus Cracouiensis, in stato Conuentu apud Collegas suos primus vulgavit. Thomas, vti cætera, quæ admirationem æstimationemq; sui parere possent; totum constanti silentio pressit.

*Debrinchi
fact*

pressit. In diario duntaxat, (quo memoriæ subsidio, ut erat accuratus in suis rebus, perpetuò usus est) tacitâ sua personâ, facti solius meminit, paucissimis hisce verbis: *Hic puer submersus reuixit.* At religiosissimus vir, P. Nicolaus Lancicius Societatis J E S V, & cum prudentiâ Sanctorum, omniq; eruditione Ipirituâli; cuius Asceticorum eius operum Tomi duo, luculentissima specimina extant: tum verò vitæ Sanctimoniâ atq; admirandis per eum diuinitus patratis operibus, non solum per Regnum Poloniæ, sed & apud exterâs nationes nominatissimus, is, inquam miraculum restituti vitæ pueri, pro certo, comperroq; habuit. Quippe scribens, ad peramicum; perq; familiarem sibi Casimirum Vaxman, Warmiensem primùm, dein etiam Cracouiensem Canonicum: multùm ei gratulatus est, quòd in ædibus (intelligebat eas, quas ob vicinitatem Ecclesiæ Cathedralis, studio à Thoma delectas, supra memorauit) successerit; qui mortuum puerum ad vitam reuocauit.

Compar priori miraculum, retulit, vir præstantis inter Collegas Cathedralis Basilicæ Cracouiensis Canonicos authoritatis, Joannes Skarszewski: genere, virtute, prudentiâ, ac dexterritate in grauibus negotijs tractandis Perillustris: quæ quidem illius decora, idcirco commemoro, quòd dignitas dicentis, haud dubiè fidem adstruat dictis: Is igitur, cùm eum ægrotum visitassem, narrauit mihi: alterum quoq; mortuum, in tractu Lublinensi, orationis & meritorum Thomæ interuentu vitæ redditum. Atq; hunc eundem esse arbitror; quem in

viliâ dictâ Pachna Wola, prope Casimiriam, morti suæ superstitem, sospitemq; , visum à se, ab nobili matrona

Broniowska, sibi demonstratum, reulit mihi R. Pater

Antonius Stephanowicz Custos Conuen-

tus Cracouiensis: nunc iam Prouin-

cialis per Poloniam Ordinis Mi-

norum de Obser-

uantia.

CAPVT XX.

Obitus.

Permolestâ calculosa affectione, quasi perpetuò, quoad vi-
 xit infestatum Thomam supra memorâram. Eratq; hoc
 illi velut perpes, martyrij instar, patientiâ exercitium. Ve-
 rùm extremis duabus septimanis, ita velut collectis viribus in-
 ualuit; vt breui supremis admotum, violentè confecerit. In
 summâ acerbitate dolorum, illud Apostoli vsurpabat: *Quotidie*
moriôr. Qui humano sensu diritatem cruciatuum eius expen-
 disse; miserrimè illum, & velut irato numine decedere ex
 hac vita iudicasset. At qui fidei lumine illustrati, ac Sancto-
 rum prudentiâ præditi, interiores oculos similibus euentis ad-
 mouent, longè diuersa sentiunt: penitusq; ex verò censent,
 Deum, non solum non irasci, verum etiam eximium fauorem
 præstare; cùm quos diligit castigat: cùm tenuissimas etiam no-
 xas igne tribulationis hîc excoquit: nec purgatorijs furnis ex-
 piandas remittit: cùm vt merita accumulât, flagella multi-
 plicat. Sed ecce dum hæc animo voluo; eo ipso die, quo San-
 cti Francisci Xauerij Indiarum Apostoli transitus ad vitam cæ-
 lestem, anniuersariâ memoriâ recurrit, affine quiddam mentis
 occurrit considerationi: huius ipsius, inquam, magni serui
 Dei, si animalium hominum, ea quæ Dei sunt, hæud perci-
 pientium, iudicio rem permittas; perquam miserandus; sin eo-
 rum, qui ad fidei lumen, in arcana etiam Dei consilia, quan-
 tum fas est, humanæ imbecillitati aciem intendunt; perbeatus:
 & vt vtrorumq; iudicia tam longè distita coniungam; felicis-
 simè infelicissimus exitus. Quippe ille, post tempora Aposto-
 lorum, Apostolus (absit verbo inuidia) maximus; qui, (liceat
 Tulliana verba longè veriùs in præsentiarum vsurpare:) gentes
 immanitate barbaras, multitudine innumerabiles, locis infini-
 tas; non cruentis cædibus domuit, sed gladio spiritus, quod est
 verbum Dei, sub suaue Christi iugum misit: qui manu propriâ
 ducenta

ducenta Ethnicorum millia fonte baptismi Sacro abluit: ille qui tot motuos, (non pauciores quam viginti in Actis Canonizationis proferuntur) ad vitam reuocauit: ille demum plurimorum aliorum, (quis enim omnia enumeret?) maximorumq; ad Maiorem Dei gloriam facinorum, ac prodigiorum patrator; dum quæ retro sunt obliuiscens, ad anteriora desiderijs propagandi Regnum Christi in immensum à se extendit; dum Sinarum vastissimo, & populosissimo imperio lucem Evangelij inferre ardet; dum atrium à forti armato longâ retro seculorum serie inessum inuadere, claustraq; ferrea, inexuperabilibus legum, ingressum exteris sub ineuicibili capitis vel carceris perpetui pænâ vetantium, vsusq; perpetui seris firmata, vel vitæ impendio perrumpere nititur: in hoc tam grandi; contentoq; conatu, tantus Dei seruus, letali correptus morbo; nec desiderijs minùs importandi Sinis nominis Christi, quam febribus æstuans, in horrente illâ, vacuæ habitatoribus insulæ solitudine; in tugurio, ventis peruius, ac penè sub dio: omni humano destitutus solatio moritur. Nunquid igitur à Deo quoq; desertum; abiectumq; putabimus? Absit à Philosophiâ Christianâ ita arbitrari; ex cuius sapientissimis sensis, ac Sanctissimis placitis, & cum Sanctorum, tum Sancti Sanctorum Magistri cælestis Jesu Christi exemplis & doctrinis, certum est fidelibus; id quod in presenti est, momentaneum & leue tribulationis nostræ, supra modum in sublimitate æternam gloriæ pondus operari: adeoque; desolationes, in maiora incomparabili excessu solatia; ignominiam in gloriam; labores in præmia; certamina in triumphos, coronasq; vertere immarcescibiles: demum quò electorum quisq; largus bibit de calice passionis; deq; torrente tribulationum, eò altius extollere caput, propioremq; Christo in regno eius considerare. Atq; hoc ipsum (vt ex diuerticulo, quanquam affini vitæ, ad viam ipsam redeamus) iustum est sentire de Thoma Oborski; Deum videlicet benigno paternæ prouidentiae consilio, extremis vitæ diebus, acerrimis ipsum attriuisse doloribus, quò expiatis

minimis etiam, quas nec magna sanctitas effugit, labeculis,
 expeditam illi, rectamq; ad cælum panderet viam: quò cumu-
 latoribus conspicuus meritis, gloriosior intraret in gaudium
 Domini sui, honoratioreque, cælestis conuiuia, æternum recum-
 beret loco. Fuit is illi sanè morbus, nobilis præstantium vir-
 tutum palæstra: meritotum officina: fuit cursus ad brauium
 supernæ vocationis: instar quidem motus grauium corporum
 naturalis: eò citatior; quò metæ propinquior. Viua viuaxq;
 fides, deuotionis feruor, exacta propriæ voluntatis cum Diui-
 na consensus, virginalis verecundia, inuicta inter acerrimos do-
 lores patientia, cæterusq; præcellentis gratiæ Diuinæ comita-
 tus, si quando, in vltimâ hac vitæ scenâ, rarâ maiestatis spe-
 cie comparuere. Cum adhuc inter spem & metum ancipites
 medicorum sententiæ fluctuarent, vnus aliquis solertior, spon-
 debat se certis instrumentis radicem mali educturum. Renuit
 heroico animo Thomas: eò maximè nomine, quòd ratio me-
 dendi, quanquam licita, pudori suo virgineo haud congrueret.
 Vbi supremis propius sese iam admoueri sensit, suprema Sa-
 cramentorum præsidia cupidè expetijt. Venientem ad se in
 Eucharistia Dominum, eâ excepit deuotionis alacritate, quæ
 præsentibus cieret admirationem, afflaret pietatem. Et
 de morte quidem propriâ, non secus ac de alienâ loquebatur,
 adeo præsens sibi, Deo fidens, tranquillusq; in eo articulo con-
 stabat ipsi animus. Eâdem pace animi ordinatis; quæ ex vltimo
 arbitrio eius post obitum fieri seu iustitia seu pietas posce-
 ret; totus de cætero in Deum & Diuina ferebatur. De-
 mum inter religiosissimos sensus & suauissima collo-
 quia, cum **JESU**; in cuius effigiem quasi assiduè in-
 tentos habebat oculos, sensim viribus, ac voce
 deficientibus, commendatissimam haud du-
 biè tot benefactis animam, in manus
 fidelis tradidit Creatoris.

C A P V T XXI.

39

Opinio Sanctitatis.

HAud ignoro, laudatis etiam scriptoribus in more esse: posteaquam; & merito sui, & iudicio Saluatoris certiora Sanctitatis documenta, opera, inquam bona, primo loco, tum secundo admiranda in medium protulere; postremo tandem voces etiam populi, ac prudentum iudicia, velut non contemnenda adstruendæ Sanctitatis instrumenta studiosè collecta adducere: quorum vti diligentiam laudo; ita contentionem laboris, haud quaquam assequi me posse confido. quippe infinitum, ac ferè superfluum videtur, singulorum sententias particulatim percerere: vbi ex omnibus, qui diffiteatur: nemo est: promptè annuunt cuncti. Thomam quicumq; penitus nouerant, pro Sancto habebant, ferebantq;: vulgo Sanctus Suffraganeus vocabatur. Hinc qui etiam sacris ab eo Ordinibus initiati sunt, in parte id felicitatis, & gloriæ, mecum ponunt. Non minimum communis de Sanctitate cuiuspiam sensus indicium est, honor sepulturæ, & pia veneratio rerum attinentium eos, quorum sanctitatem, multum, vulgarem excessisse modum, factorumq; famæq; celebris testimonio, nobis persuademus. Quam in rem, memoratus P. Sophronius, hisce verbis, de Thoma scripsit ad me. Cum opinione Sanctitatis mortuus est: quod concursus multorum, loculum corporis eius tangere volentium, dum ferretur ad sepulchrum indicabat. Premebant nos, qui obsequium illud præstabamus defuncto, & strophijs attingebant urnam, illa deinceps tanquam reliquias habituri. Ex reculis quoq; illius, vnusquisq; aliquid cupiebat habere. Hactenus ille. Eadem præcellens opinio sanctitatis, exciuit mox ab obitu, præstantium doctrinâ & pietate virorum, linguas ac calamos, ad dicendam memoriæ posterorum Thomæ vitam. Primus hanc luculentâ oratione celebrauit Simon Starowolski Canonicus Cracouien-

sis;

sis; promptus oppidò & copiosus in rem Ecclesiæ & Patriæ Scri-
 ptor. Habetur typis edita, in libro Vitarum Episcoporum Cra-
 couiensium ab ipso conscriptarum; loco postrema, facundiâ,
 eruditione, prolixitate, studio, contentioneq; dicendi prima.
 Erexit eidem gentilitiam Columnam celebris inclytæ Academiae
 Cracouensis Orator, Ioannes Cynerski; non ex Pario eductam
 marmore, aut ære fusam Corynthio, verum ex præstantiũ Tho-
 mæ virtutum meritissimis elogijs panegyrico opere affabrè con-
 structam. Scio grauem quendam & doctum virum pridem mo-
 liri opus vitæ Thomæ: non sine grandi, vt ominor, operæpre-
 tio: quippe cum cætera scriptoris dignitas, tum iurati authori-
 tatis officij, testatiora haud dubiè reddet gesta Thomæ. Altero
 à sepultura die parentatum est Thomæ in Basilica SS. Petri &
 Pauli Apostolorum. Laudauit è suggesto, religiosâ oratione,
 ad vsu audientium salutarem, maximè accommodatâ, P. Valen-
 tinus Sophronius: qui vti in propriâ perfectione curanda studio-
 sus, ita in alienâ solers, & perspicax pernoscendâ, cum per trien-
 nium comes Apostolicarum Thomæ peregrinationũ, sociusq;
 laborum fuisset; non potuit non multa particularia nôsse, quæ
 ad spiritualem Religiosi auditoris gustum gratissima acciderent.
 Parentatum est, & in alijs Societatis domicilijs: quo officij gene-
 re, tametsi amicitia, & gratitudini, erga amicum & benefacto-
 rem; præcipuè tamen litatum est Sanctitati. Atq; hæc dicta
 compendiosè sunt; de magnis, Thomæ Oborski Episcopi La-
 odicensis, Suffraganei & Generalis Officialis Cracouensis
 virtutibus: quæ faciant manifestum, cum fuisse immu-
 nem, ab illa notâ, quæ cuidam Angelo Laodiceæ
 tribuitur; *Apoc. 3. v. 16.* Faxit DEVS: vt
 sui quàm plurimos in Ecclesia DEI
 habeat imitatores. Amen.







I N D E X


C A P I T V M.


- Caput I. Patria genus electio status.
- Caput II. Deuotio in Deum.
- Caput III. Conformitas cum Diuina voluntate.
- Caput IV. Fiducia in Deum.
- Caput V. Deuotio erga Virginem Dei Matrem.
- Caput VI. Deuotio erga Celites.
- Caput VII. Humilitas.
- Caput VIII. Contemptus honorum.
- Caput IX. Patientia.
- Caput X. Magnanimitas.
- Caput XI. Mortificatio.
- Caput XII. Castitas.
- Caput XIII. Labores.
- Caput XIV. Zelus animarum.
- Caput XV. Misericordia & liberalitas in pau-
- Caput XVI. Iustitia.
- Caput XVII. Mortui vite redditi.
- Caput XVIII. Infirmi prodigiose curati.
- Caput XIX. Alia quaedam admiranda.
- Caput XX. Obitus.
- Caput XXI. Opinio Sanctitatis.














Biblioteka Jagiellońska



stdr0027317

